

Թեան կատարելագէս համաձայն է նաև մեր Ս. Ներսէս Շնորհալի հայրագետն ալ, երբ իր Այսօր անձատ երգին մէջ կը գրէ .

«Ժառայն գերեսն այն ապտակէր  
յորմէ Սրովբէն թեասքօղէր.» :

### 3. Ա. Զիրենից .

Որո՞նք են այն աւանդական յիշատակները, որ երկնային զօրութեանց պատուոյն յաւերժացման տենչանքին հետ մեծագէս ազդեցիկ բարեպաշտներու՝ որպէս զի սրբագործն եկեղեցիով և վանքով Փրկչին առաջին Չարչարանաց և բանտարկութեան տեղը, որ է Աննայի տունը. — երեք են անոնք. Զիրենիկ, Բանջը և Ողեսնայի փար :

Գեղեցիկ և սրտառուչ զրոյցներ հիւսուած են նոյն ձիթենիին մասին . նուիրական ծառ մը դարձած է ան եւ կը մնայ մինչեւ ցայսօր . դարէ դար հին արմատէն բողբոջած են նոր ձիւղեր որ կը հովանաւորեն եկեղեցիին հիւսիսային կողմի անկիւնը՝ շքեղագատի մը մէջ . բարեպաշտ ուխտաւորներ կ'այցելեն միշտ անոր, եւ բարեպաշտութեան առարկայ ալ կ'ընեն զայն : Պատմական հանգամանքէ ալ զուրկ չէ ան : Երուսաղէմի եղիազար պատրիարքը, որ իր պաշտօնին ամենայն Հայոց Հայրապետութիւնը միացնելու յանդուգն ձեռնարկն ալ ըրած է, 1666 ին Ս. Մընդեան տօնին օրը, Ս. Յակոբի տաճարին մէջ միառնուիլով կը կատարէ նոյն ձիթենիին քամուած իւզով . և նոյն միւռոնէն կը բաշխէ եկեղեցիներուն, և Հռովմայ Պապին ալ կը զրկէ նոյն միւռոնէն Լատինաց խնդրանքին համաձայն : Սոյն միւռոնօրհնութեան արարողութիւնն ալ մասնաւոր կոնգակով մը կ'իմացնէ նոյն տարւոյն Յունուար 23 ին Պոլսի Հայոց, եւ կը յիշէ վերեւ յիշուած պարագան (Տե՛ս Հաւատոս Պատմութիւն Երուսաղէմի ևն . Խորէն վրդ . Մխիթարեանի, էջ 103-106 : ) Երուսաղէմացի Հաննէ վրդ . իր Պատմութեան մէջ (էջ 242) հետաքրքրական տեղեկութիւններ կու տայ և կը յայտնէ թէ ինքը լսած է հրաշխատն զրոյցներու պատմութիւններ այս ծառին նկատմամբ . այնպէս որ՝ անոր պտուղին կուտը դեղթափի նման, ծննդական կանանց, ջերմոտներու և աչացաւ ունեցողներուն բժշկութիւններ տուած է . օտարներ ևս շատ յարգ կ'ընծայեն այս Զիթենիին :